

آبونه شرائطی

ممالك عثمانیه ده سنه لکی (۶۵)، الق
آیلر (۳۵) غروشدور .

ممالك احصیه ده سنه لکی (۶۷)، الق
آیلر (۹) فرانقدر .

اداره خانه

باب عالی جاده سنده دائره مخصوصه

اخطارات

آبونه بدلی پشندر .

مملکه موافق آثار مع الممنونیه قبول
اولنور . درج ایدله بن یازیلر احاده
اولونماز .



اخطارات

رساله خردن آلمدیغ کوستر ملک شرطیه
بتون یازیلر هر هانکی بر خزنه طرفندن
اقتباس اولونه بیلمیر .

مکتوبلرک، امضالرک واضح و اوقو ناقلی
اولمسی و آبونه صره نومروس محترمی
بولونمسی لازمه در .

ممالك اجنبیه ایچون آبونه اولانلرک
آدرس لریشک در انسرجه ده یازلمسی دجا
اولنور .

پاره کوئدرلدیکی، ان نه یه د ژ اولدیغنک
واضعا بیلدیلمسی دجا اولنور .

۱۳۳۰

فلسفه

فرد و مهربانیت انسان :

روح انسان

« فلسفی، علمی، برجست »

۴

در مهربانیت مادی و مادی :

روحیون مادیون و یردگری جوابلرنده دیرلرکه :

« انسان ایلا دافکار ایتک ایچون بینه محتاجدر ، فقط بینک کنیدیسی

مولد افکار ده کلدرد .

بونلر، مادیونک ایلری سوردگری اشتباهات ایله قطعیا تطابق ایتیه جک احوال عقلیه نك موجودیتی دخی سویلرلر . انسانك عاقل و بر قوه حافظه یه مالك اولمسی ، مسئولیت ذاتیه سنی حس ایتیمی وحدت شخصیه - سنك تجلیاتندرد . بتون بوتجلیات ایسه انسانك انایت شخصیه حاضره سی و ماضیه سی ارمسندره برارتباط دائمینك بولمسی ایجاب ایدرد . بو ارتباط دائمی ، و انسانك بلا واسطه کنیدیسی بیلمسی ، مادیونك اشتباهلری ایله تألیف ایدیلر مزی .

بز او مادیلره دیرزکه : بینک سبب ادراك اولمسنك ثبوتی بینک مدرک اولدیغنه دلالت ایتیز . اوکا آلت ادراك دیمك ده اولادر . مثلا کوزلر کورمك ایچون بر آلتدر .

مادیونك « انسانده کی ادراك بیومسی شكنك و ترکیب کیمیویسنك تکاملنه وابسته در ، دیمه لری تام بزم قوه باصره کوزلرک صحتیه و سلامت اعضاسنه ، شکل و ترکیب کیمیویسنك تکاملنه نسبه قوتلی اولور دیمه مزه مطابقدر . کذلک قوه سامعه اعضاسنك سلامتیه کوره قوتلی اولور . فی الواقع کورن و ایشیدن کوز ایله قولاق ده کلدرد . کوزلر هر درلو آفتدن سالم و آجیق اولدینی حالده چوق دفعه لر انسان بر مسأله ایله اشتغالندن طولانی بر شینه شدتلی باقدینی حالده کوره مزی . یاننده یوکسک برصدا ایله باغیرانی ایشیده مزی . اگر حقیقه « کورن » و « ایشیدن » کوز ایله قولاق اولسه یدی بونلر قطعیا واقع اولمازدی . بر معترض « انسانك بوکی حالدرده کوره مسمی و ایشیده مسمی انحق عقلنك باشقه برشی ایله اشتغالندن ناشیدر » دییه بیلیر . بوکا جواباً : اك اوافق بر مشغولیت او قوتلری طور دیریور ایسه آرتق اونك مادی اولمسی عقلاً اصلاً قبول ایدلز . چونکه آلات مادییه انحق مادی بر حائل ایله دوچار تعطیل اولور . مثلا بر آینه یه باقان بر شخص کنیدی صورتی کورور . اره لرینه بر حجاب کثیف چکمد کد نصکره او آدم دائماً کنیدی شخصی کورور . اگر ین بر ساعتک آلتی کی محضا مادی اوله یدی او آرتق بشقه بر مشغولیتیه انصراف ایتزدی . چونکه متالم ویا قوزقان بر آدمك مشغولیتی معنویدر ، یاخود وهدر . یعنی حرکت

خواصنك بر یسندن ده کلدرد . بر شمندو فرقور قیدیه خط حدیدیدن ایرلدی ، یاخود بر ساعت خسته لندییه تأخیر حرکت ایتکه باشلادی دینیه میه جکی کی ، بینک تالم ایتدیکی ، یاخود قورق دینی ادعا ایدیلر مزی .

بوندن ماعدا بینک ترکیباتی و داخلنده کی موادك جمله سی معروف وانلرک خواصی معلومدر . بتون او ادراکسز جامد ماده لر دن فصل اولیورده بر جوهر ذی حیات ترکیب ایدیور . همده اوله بر جوهر ذی حیات که بی پایان ادراک ، لایتناهی تصوراته مالک ! ..

بر معترض « بتون حیوانات ذی حیات و مدرکدر . عجباً بونلرک حیاتده بونلرندن و ادراک ایتلرندن مخلد ارواحه مالکیتلری استنتاج ایدیلر بیلیرمی ؟ » دیه بیلیر . بوکا جواباً دیرزکه : حیوانات ارواحه مالکدر . فقط اونلرک ابدیتنه دائر بز برشی سویلدک . بز ساده اونلرک ذی روح اولدیغنه حکم ایتدک . مجرد بر نظر انلرک اوله اولدق لرینی اثبات ایدرد . بر انسان اصول فلسفه دن نه قدر بی خبر اولسه ینه بر طاش ایله آنک یاننده کی نمادار بر شجره یی و بونك اوزرنده اوچوشان طیوری مساوی طوته ماز . نباتات ذی حیاتدر . فقط اونلرک حیاتی حسسز ، شعورسز بر حیات سفیلهدر . حیوان دخی روح ایله ذی حیاتدر . فقط حیاتنك قوتلری محدوددر . انلرده نه دورین بر نظر ، نه بی پایان بر فکر واردر . الحاصل سطحی بر نظر حیات حیوانك ، کذلک صفاتنك محدودیتی ارئه ایدرد . انسانده روح حیوان طرزنده اولمیان مدبر بر روح ایله ذی حیاتدر . روح انسان لایتناهی بر قابلیت تعالی یه مالکدر . روح انسان مخلددر دیور . سهق بو حکمیزی ایکی روحك اره سنده کی جسم فرقلر اوزرینه بنا ایدیورز . او فرقلر تام متناهی و غیر متناهی نك اره سنده کی فرق کییدر . بز بونی بر منظومه مزده ایضاح ایتشدک . منظومه مزك مطلبی بویه ایدی :

حیاتك یا انسان کد واشجان
و قلبك هذا للواعج میدان
ألا ایها الانسان مهلا فلا تن
وانت علی کل العوالم سلطان
فما الشمس الامن سنك مضیة
ولم یسم الا من علا نك کیوان
یشارکك الحيوان فی الجسم انما
لروحك شأن لا یقاربه شان
اذا كنت والحيوان فی النوع واحدا
فما لك ترقی وهو للان حیوان
اراه قنوعا ان یسل مل بطنه
وانت وان نلت البسیطة جوعان
تطاول بالفکر النجوم وان سمت
وتزعم ان الكل فیک وان بانوا

عقائد اسلامیة

۳۴ - مبات الیه نك مبات ممکنه مباتی رحت سابقك ایضامی :

بوندن اولکی مقاله نك نهایترینه طوغری کورمش ایدک که : صفات الهیه دن اولان حیات ، ممکناتک حیاتنه مبین در ؛ جناب حقک متصف اولدینی حیات ، هیچ بروجله حیات ممکناته بکزه مزه شمدی بوبختی دها زیاده ایضاح ایچون حیات ممکناتک نه صورتله اولدینی خلاصه بیان ایده جکز : حکمایه کوره حیات ، بر قوت درکه اعتدال نوعی به اتباع ایدر وقوای حیوانیه سائر کنه دیسندن فیضان ایدرلر . مرکبات عنصریه دن هر نوعک کنه دینه مخصوص بر مزاجی واردر ، که اونوعه نسبتله اصلح امرجه اودر . ایشته انواع حیوانیه دن هر نوعده موجود اولان حیات ، اعتدال نوعی دنیلن مزاجه تابع اولان بر قوت در . مرکب عنصریده اعتدال نوعی حاصل اولدینی زمان مبدأ فیاضدن آنک اوزرینه قوه حیات فیضان ایدر ، بو صورتله قوه حیات فیضان ایتدکن صوکره او قوتدن حواس ظاهره ، حواس باطنه ، دفع مضرت و جلب منفعت ایچون اوغراشان - قوای محرکه کی قوای سائر انبعاث ایدر . بونلرک هبسیده شبهه یوق که عزیزالعلیم اولان ذات واجبک تقدیر یله در . بناء علیه قوه حیاتی مزاج نوعی به تابع ، قوای سائر نك متبوعی در . طبعیون دیورکه : حیات ، حرکت و حرارت کی امتزاجات مادیه ایلله حادث اولان طبیعی بر کیفیت در .

اعتدال مزاجی به تابع اولوب حس و حرکتی اقتضا ایدن بر قوت در ؛ دینلرده واردر . بعضرینه کوره : حیات ، تغذیه و تنیه نك مبدئی در . بعضریده دیورکه : حیات ، یا اعتدال مزاج در ؛ یا خود حس و حرکتی اقتضا ایدن بر قوت در ؛ یا خود کرک حس و حرکتی اقتضا ایدن قوتک کنه دیسی ، ایسترسه اوکا مغایر اولسون اعتدال مزاجه اتباع ایدن بر قوت در . قاضی بیضاوی مرحومده شویله دیور : حیات ، قوه حساسه ، یا خود آنی اقتضا ایدن شیلرده حقیقت در ؛ قوه نامیه ده مجازدر ؛ خلاصه : ممکناته نسبتله حیات ، یا مزاج نوعینک اعتدالی ؛ یا خود بو اعتداله تابع اولان بر قوت در . یا خودده حس و حرکتی اقتضا ایدن بر قوت در ...! هر فصل تفسیر ایدیلر سه ایدلسون بو معناجه اولان حیات جناب اللهده قطعاً متصور دکلدر . اونک حیاتی ، حیات حقیقه در .

شیخ محمد عبده مرحوم « الله لا اله الا هو الحی القيوم ..! » آیت کریمه سنک تفسیرنده دیورکه : (« حی » ذی حیات دیمکدر ؛ حیاتک معناسی ایسه شعور ، ادراک ، حرکت ، نموک مبدئی در . بو معناجه اولان حیات ایلله نباتات و حیواناتک هبسیده متصف در ؛ مع مافیه جناب حق ، بو معنایه اولان حیات دن مزه در . جناب واجب الوجوده نسبتله حیات ؛ مبدأ علم ، مبدأ قدرت در . یعنی واجب الوجوده نسبتله حیات بر وصف درکه : علم ، اراده ، قدرت ایلله اتصاف آنحقی آنکله تعقل اولنور . ایشته بو وصف ، مادیونک قولی ابطال ایدیور . اومادیونک :

وکل علاء دون علیاک حطة
وکل کمال دون ذاتک نقصان
فیالیت شعری هل الی الطین تعزى
معالیک هذى وهو جلمد صوان
ارى الطین میتا لا یجواب سائلا
فن این فکر قد اتاک ووجدان
دع القوم غرقى فی الضلال فانهم
عن الرشید والعرفان لاشک عیمان
وخذ حججاً للروح لاح ضیاؤها
لها الحی اصل والتجارب ارکان
فهل بعد محسوس الشهود ادلة

وهل بعد ملموس التجارب برهان [۱]

حیات انسان و حیات نبات و حیات حیوان اره سنده کی فرق لری ایضاح ایتک ایچون بوقدر سوبلیه بیلدک .

مع هذا بتون مسروداتمز کلامیدر . اکا ینه مقابله ایدیله بلیر . عصر ادراک اولان بوعصر ایسه بونلرله قابل ده کل ملزم اولماز . اوکا ادله حسیه لازمه در . کله جک با بلرده بونلری مفصلاً شرح ایده جکز . القاهرة : « الشعب » غزته سی محرر لرندن

عمر رضا

[۱] اشو ابیات حکیمانه نك ترجمه سی :

« ای انسان : کنه دیکی حقیر کورمه ... سن بتون عوالمک سلطانیسک . کونش آنحقی سنک نورکدن لعه باش ضیا اولیور . . . واقعا حیوان سنکله جسمده اشتراک ایدر . فقط روحکک اولیله بر اهمیت خارق العاده سی وارکه بتون اهمیتلر اکا نسبة ٬٬ک دوندر . اومت سن حیوان ایلله بر نوعدن اولیدک ، سن فضای تعالیده پرواز ایدرکن اودائما حیوان قالمالادی . حیوان قارتنی طولدریمی ارتق قناعت ایدر . فقط سن بتون عالمی قبضه تسخیرینه کچیره کده ینه آج کورونورسک . نجوم نه قدر یوکسک اولورسه اولسون ، سن ینه فکرکله اونلره میدان اوکورسک . سنک دهای محیطک هرشی - اوزاقلغه رغما - استیعاب ایدر . ای انسان - سنک علویتکدن بشقه بتون علویتلر ساقطدر . سنک کالکدن ماعدا بتون کالتر نقصاندر .

عجبا سنک بوتون بو معالی خارق العاده ک فصل اولیورده چاموره نسبت ایدیلیر . هم اولیله چاموره که جامد بر طاشدن بشقه برشی ده کلدر . چامور اولودر . هیچ بر سؤاله جواب ویره مز . عجبا اوکا فکر ایلله وجدان زه دن کلدی .

ای انسان - کوزلری اعمالاشان ، غیای ضلالته دوشن بر قومی براق! چونکه شبهه سز انلر ادراک ایلله عرفانندن وارسته درلر .

روح حقنده شعشه پاش اولان أدله بی آل ، هم اولیله ادله که محسوس اساسلر اوزرینه مستند و تجربه لر ایلله مثبت در .

آرتیق محسوس شاهدلردن صوکره دلیل ؛ ال ایلله طوتیله بیلجه ک تجربه لرندن صکره برهان اوله بیلریم ؟